

Gátlisti fyrir umsjónarmenn nemenda á Landspítala

Gátlisti fyrir nemendur

Umsjónarmaður í skóla/á Landspítala sendir nemum skjalið [Gátlisti fyrir nemendur á Landspítala](#)

Heilsuvernd

Í gátlista er hlekkur á upplýsingablaðið [Heilsuvernd – Upplýsingar fyrir nemendur á Landspítala](#) – í því kemur fram hvaða bólusetningar og önnur heilsufarspróf þarf að uppfylla áður en verknám hefst.

Ef nemi er erlendur: [International students at Landspítali - Health certificates](#)

Komi nemi á eigin vegum, þ.e. ekki í gegnum skipulagt verknám skóla þá er umsjónarmaður á Landspítala ábyrgur fyrir því að nemi uppfylli kröfur um heilsuvernd.

Þagnarskylda og sjúkraskrárupplýsingar

Umsjónarmaður fræðir nemendur um þagnareid og reglur er varða notkun sjúkraskrárupplýsinga á Landspítala, sér til þess að nemi skrifi undir [þagnarskyldu](#) og [yfirlýsingu vegna aðgangs að sjúkraskrárkerfum Landspítala](#) með eigin hendi áður en verknám hefst. Skönnuð eintök eru fullgild.

Skráning í nemaskrá

Umsjónarmaður fyllir út [skráningareyðublað](#) og sendir til menntadeildar á nemar@landspitali.is Ef um er að ræða stóra nemahópa er hægt að fá (Excel) skráningarform til útfyllingar með því að senda beiðni um það á sama neftang. Verkefnastjóri á menntadeild skráir nema í nemaskráringarkerfi sem tengist aðgangskerfi og er forsenda útgáfu auðkenniskorta.

Auðkenniskort*

Íslenskur/Íslenskumælandi nemandi gerir sjálfur beiðni um auðkenniskort í beiðnakerfi:

audkenniskort.landspitali.is

Ef nemandi er erlendur gerir umsjónarmaður beiðni um auðkenniskort fyrir hans hönd þar sem beiðnakerfið er einungis í boði á íslensku. *Sjá nánar [gæðaskjal 2.09.01 Auðkenniskort fyrir nemendur og kennara á Landspítala](#)

Frekari upplýsingar á audkort@landspitali.is og í s. 543-1880

Aðgangur að tölvukerfum


Nemi stofnar [Leynihólf](#) þegar hann er kominn á námsdeildina en í því verða framvegis aðgangsorð hans að rafrænum kerfum á Landspítala:

1. Nemi fer á innri vef Landspítalans (<https://innri.lsh.is/>) í Landspítalatölvu og velur þar [Leynihólfið](#).
2. Nemi skráir sig inn með rafrænum skilríkjum og þá opnast leynihólfið. Þar eru lykilorðin að þeim kerfum sem hann fær aðgang að.
3. Ef nemi lendir í vandræðum með leynihólf eða aðgang að rafrænum kerfum sendir hann póst á adgangur@landspitali.is eða hringir í þjónustuver HUT 543-1550.

Erlendir nemi með gervi-kennitölu og þ.a.l. ekki með rafræn skilríki:

Verkefnastjóri á menntadeild býr til gervi-kennitölu og skráir nema í nemaskráringarkerfi.

Umsjónarmaður/yfirmaður á deild stofnar leynihólf í gegnum [Vörð - aðgangskerfi](#) fyrir nema á sama hátt og gert er þegar nýr starfsmaður byrjar á deild. Nánari upplýsingar um aðgangsmál má finna á [HUT gátt](#).



Gátlisti fyrir umsjónarmenn nemenda á Landspítala

Hagnýtar upplýsingar:

Mötuneyti: Nemar hafa aðgang að mötuneytum Landspítala meðan á verknámi stendur. Auðkenniskort virkjar afslátt af framreiddum mat í mötuneytum spítalans. Ekki er veittur afsláttur af vörum í kæli og sjálfsafgreiðslu. Nemar eru í launalausum verknámi og þurfa að staðgreiða í mötuneytum.

Samgöngur og bílastæði við Hringbraut og í Fossvogi: Best er að nota umhverfisvænan ferðamáta til og frá Landspítala. Komi nemi á einkabíl þá er nauðsynlegt að kynna sér upplýsingar um fyrirkomulag bílastæða við Landspítala á Hringbraut. Í mjög stuttu máli gildir eftirfarandi á meðan nemi er í verknámi:

- ❑ Heimilt er að leggja gjaldfrjálst í svokölluð „fjærstæði“ sem merkt eru með bláu á kortinu [sjá hér](#) en þá þarf nemi að skrá bílnúmerið sitt hjá [GreenParking](#). Nemi verður að vera með virkt auðkenniskort til að geta gert það.
- ❑ Hleðslustæði ON og nærstæði sem merkt er með rauðu á kortinu eru ávallt gjaldskyld, [sjá hér](#) og nemi þarf alltaf að greiða fyrir að leggja í slík stæði þótt hann hafi skráð bílnúmerið sitt hjá [GreenParking](#).
- ❑ Ítarlegar upplýsingar um bílastæði Landspítala við Hringbraut og kort af bílastæðum er að finna [hér](#).

Við Landspítala í Fossvogi eru bæði gjaldskyld og ógjaldskyld bílastæði. Ætlast er til þess að bæði starfsfólk og nemar leggi í ógjaldskyld stæði. Gjaldskyld stæði næst spítalanum eru ætluð sjúklingum og aðstandendum þeirra.

Tryggingar

Samkvæmt IV kafla 29. gr. laga um almannatryggingar nr. 100/2007 er nemandi sem stundar nám á Landspítala slysatriggður meðan á námi stendur. Nemandinn nýtur ekki frekari tryggingaverndar af hálfu opinberra aðila, en er eindregið hvattur til þess að íhuga stöðu sína og þá vernd sem einkaváttryggingar veita. Nemar í klínísku námi njóta sömu tryggingaverndar að því er varðar bótaábyrgð gagnvart sjúklingum og starfsmenn spítalans, enda vinna þeir á ábyrgð kennara sinna á Landspítala.

Nánari upplýsingar: nemar@landspitali.is